



Na osnovu rješenja br: UP-05-12-1-1002/23 izdatog 26.9.2023. godine od strane Federalnog ministarstva finansija u ime klijenta Goodyear Slovenija, d.o.o. (Škofjeloška cesta 6, 4000 Kranj, Slovenija) nagradnu igru priređuje Agencija McCann d.o.o. Sarajevo, Marka Marulića 2, PDV broj 200130360002, ID broj 4200130360002, a na osnovu Zakona o igrama na sreću („Službene novine FBiH“ broj: 48/15 i 60/15), Pravilnika o sadržaju pravila, uslovima i načinu priređivanja nagradnih igara („Službene novine FBiH“ broj: 30/16, 63/19, 92/20 i 12/22).

PRAVILA NAGRADNE IGRE

»Zimska akcija 2023.«

1.

Organizator nagradne igre je McCann d.o.o. Sarajevo (u nastavku: „**Organizator**“), Marka Marulića 2, 71000 Sarajevo, JIB 4200130360002, a za klijenta „Goodyear Slovenija, d.o.o.“, Škofjeloška cesta 6, 4000 Kranj, Slovenija (u nastavku: „**Klijent**“).

2.

Nagradna igra se organizuje u cilju promoviranja brenda Goodyear i jačanja povezanosti s korisnicima, te nagrađivanja njihove vjernosti.

3.

Nagradna igra će trajati od 01.10.2023. godine (od 00:00 h) do 7.12.2023. godine (do 24:00h) ili do isteka nagradnog fonda. Nagradna igra se organizuje na teritoriji Federacije BiH (u nastavku: „**Nagradna igra**“).

4.

Nagradni fond iznosi 48.900 KM i uključuje sljedeću nagradu:

Opis	Pojedinačna cijena u KM	Količina (kom)	Ukupna cijena (KM)
PUTNI KOFER	97.80	500	48.900
Ukupni fond za nagrade:			48.900

Nagrade se ne mogu zamijeniti za novac, usluge ili druge nagrade. Broj nagrada je ograničen i ni u kom slučaju neće biti dodijeljeno više nagrada od broja predviđenog ovim pravilima.

5.

Pravo sudjelovanja u Nagradnoj igri imaju fizička lica sa prebivalištem na teritoriji Federacije BiH i Brčko Distrikta koji u periodu od 1.10.2023. do 21.11.2023. godine kupe istovremeno set od četiri nove zimske ili cjelogodišnje putničke gume marke Goodyear dimenzije 16 inča ili više na ovlaštenim prodajnim mjestima (spisak prodajnih mjesta dostupan na <http://akcija.goodyear.ba>).

Račun sa dokazom o kupovini guma potrebno je, sa tačno vidljivim mjestom i datumom kupovine, postaviti putem internet aplikacije <http://akcija.goodyear.ba> najkasnije do 7. decembra 2023. godine. Prijavom putem navedene internet aplikacije učesnici ostvaruju pravo sudjelovanja u Nagradnoj igri (u nastavku: „**Prijava**“). Pravo sudjelovanja u Nagradnoj igri nemaju učesnici sa računom koji je storniran.

6.

Ako učesnici kupe manje od četiri gume, ne mogu ostvariti pravo učestvovanja u Nagradnoj igri. Svaki pojedinac se može prijaviti i učestvovati samo jednom sa istim brojem računa, osim ukoliko više setova novih cjelogodišnjih/ zimskih guma bude navedeno na jednom računu. U tom slučaju učesnik ima pravo na po 1 (jedan) Putni kofer za svaki kupljeni set, a za svaki kupljeni set potrebno je napraviti novu prijavu sa istim brojem računa. Nagradu predviđenu nagradnim fondom mogu dobiti samo učesnici koji su u vremenskom razdoblju od 1.10.2023. do 21.11.2023. ispunili uslove predviđene ovim pravilima.

Svaka ispravna Prijava je dobitna i automatski ulazi u bazu iz koje će se nagraditi ukupno 500 (pet stotina) dobitnika sa po jednom nagradom iz nagradnog fonda Nagradne igre.

7.

Komisija će tokom trajanja nagradne igre provjeravati ispravnost Prijava. Listu dobitnika koji ispunjavaju uvjete predviđene pravilima i koji su dobili nagradu sačinjit će komisija u prostorijama sjedišta Organizatora dana 11.12.2023. Komisiju sačinjavaju tri člana sastavljena od dva predstavnika Organizatora i jednog predstavnika Klijenta.

8.

Rezultati nagradne igre bit će objavljeni na Goodyear web stranici <http://akcija.goodyear.ba> najkasnije do 15.12.2023. godine. Rezultati nagradne igre su konačni. Na rezultate nije moguće uložiti žalbu.

9.

Prijavom za učestvovanje u Nagradnoj igri putem internet aplikacije <http://akcija.goodyear.ba> dobitnici nagrada daju saglasnost da Organizator i Klijent u medijskim aktivnostima vezanim za promociju ove Nagradne igre mogu koristiti njihove lične podatke (ime, prezime, prebivalište/sjedište) i izjave, bez dodatne saglasnosti i/ili naknade.

10.

Svi lični podaci se prikupljaju i obrađuju u skladu sa Zakonom o zaštiti ličnih podataka BiH. Učesnik Nagradne igre je slobodan u svakom trenutku tražiti od Klijenta i Organizatora da prestane sa obradom njegovih ličnih podataka u svrhu učestvovanja u Nagradnoj igri slanjem email-a na goodyear_slovenija@goodyear.com i prihvata da će takvo uskraćivanje rezultirati otkazivanjem njegovog/njenog sudjelovanja u Nagradnoj igri.

11.

Učešćem u ovoj Nagradnoj igri učesnici prihvataju ova pravila.

12.

Organizator će najkasnije u roku od 8 dana od dana objave rezultata Nagradne igre obavijestiti dobitnike o osvojenim nagradama, te se obavezuje da će im nagrade poslati u narednih 15 radnih dana. U slučaju bilo kakvog odgađanja ili kašnjenja u slanju nagrada Organizator se obavezuje o tome obavijestiti dobitnike. Organizator će snositi troškove dostave nagrada. Organizator će nagradu poslati na adresu dobitnika koju su naveli prilikom Prijave na Nagradnu igru.

13.

Preuzimanjem nagrade prestaju sve daljnje obaveze Organizatora prema dobitnicima.

14.

Ako su dobitnici nagrade naveli nepotpune ili netačne podatke i/ili ne može ih se obavijestiti i/ili ne može im se dostaviti nagrada, Organizator zadržava pravo ne dodijeliti nagradu istima. Naknadna zamjena nagrade i reklamacija nije moguća.

15.

Porez na dohodak od nagrada snosit će Organizator.

16.

Nagradna igra se može prekinuti samo u slučaju da nastupe okolnosti za koje Organizator nije odgovoran, odnosno

koje nije mogao spriječiti, otkloniti ili izbjeći (okolnosti više sile), u kojem slučaju se Organizator oslobađa svih mogućih nastalih obaveza prema učesnicima. U slučaju ovakvih okolnosti, Organizator će putem dnevnog lista obavijestiti učesnike o prekidu Nagradne igre.

17.

Organizator ima pravo da uz javno obavješćavanje jednostrano otkaže Nagradnu igru u bilo kojoj fazi ukoliko ustanovi da je došlo do materijalne povrede ili zlouporabe pravila Nagradne igre. U slučaju otkazivanja ili prekida Nagradne igre neće se nadoknađivati eventualni troškovi učesnika Nagradne igre ili eventualna šteta učesnicima u Nagradnoj igri, niti će se Nagradna igra održati.

18.

Organizator zadržava pravo promjene pravila, uz prethodnu saglasnost Federalnog ministarstva finansija, o čemu će svi učesnici biti pravovremeno obaviješteni objavom u dnevnom listu.

19.

Učesnici nagradne igre će se upoznati sa ovim pravilima u dnevnom listu Oslobođenje, te na web stranici <http://akcija.goodyear.ba>, nakon dobivanja saglasnosti Federalnog ministarstva finansija, a najkasnije 7 dana prije početka Nagradne igre.

20.

U slučaju spora između Organizatora Nagradne igre i učesnika nadležan je Općinski sud u Sarajevu.

